



西湖遊覽志第一卷

錢唐田 汝成 輯撰

西湖總叙

西湖故明聖湖也周繞三十里三面環山谿谷縷注  
下有淵泉百道瀦而爲湖漢時金牛見湖中人言明  
聖之瑞遂稱明聖湖以其介于錢唐也又稱錢唐湖  
以其輸委于下湖也又稱上湖以其負郭而西也故  
稱西湖云西湖諸山之脉皆宗天目天目西去府治  
一百七十里高三千九百丈周廣五百五十里蜿蜒  
東來凌深拔峭舒岡布麓若翔若舞萃于錢唐而嶺

東京大學  
東洋文化研究所所藏  
漢籍善本全文影像資料庫

書名 西湖遊覽志二十四卷 嘉靖二十六年序刊萬曆十二年序江陰范鳴謙修本  
撰者 明 田汝成 撰  
卷 首  
內容分類 史·地理·名勝·浙江  
索書號 倉石20405  
編號 2037500

[彩色首頁1](#)

[東洋文化研究所漢籍目錄 編號: 2037500](#)

[東洋文化研究所漢籍目錄所藏漢籍善本全文影像資料庫 索書號: 倉石20405](#)

[漢籍善本全文影像資料庫文本西湖遊覽志二十四卷 嘉靖二十六年序刊萬曆十二年序江陰范鳴謙修本](#)

版權所有: [東京大學](#) [東洋文化研究所](#)

[使用上的注意事項](#)



0 1 2 3 4 5 6 7 8 9 10

天目山

西湖遊覽志

自  
至  
三  
姑







西湖遊覽志序



余自結髮慕說西湖之勝神  
翩造也嗣得武林田叔禾所為  
西湖志閱之其品藻湖山嘉樂  
賢達揚扈藝文彰鉅麗而右風  
流諸懿美無論乃若娓娓乎偏

安佚豫之規。頊頊乎佞倖盤荒  
之戒。令人俛首歛歔。有神州陸  
沉之感。至其委巷叢談。具載不  
遺。一國之俗。釐然在睫。則又令  
人慷慨起舞。病其風之靡。而思  
所以維之也。久之。買棹一至湖

上。輒按志而索其處。依依不能  
去。迨備員閩中。往來經行湖上。  
獲寓目者屢矣。踟躕四顧。益歎  
田君之所志甚核。第靡由認其  
民風為何若耳。去年夏。余奉  
命巡視兩浙。疾驅而入武林。當兵



民遞變之後湖山黯淡海內結  
韜之士相戒引避不肯入而余  
適承乏余始從司馬張公謀繼  
從中丞蕭公謀問民所疾苦滌  
除之而力懲其靡使勿渝焉朝  
夕拮据不敢愛其勞即咫尺湖

山未遑一託足而遊今年秋余  
既徧歷諸郡弭節武林歲且大  
登氓嬉士逸各獲其所忘前事  
之慘載觀闐闐之間風亦駸駸  
視昔漸醇鮮復靡者蕭公方被  
詔晉留都少司空間携余從湖上



酌酒水光山色倍覺親人余為  
公加爵相視破顏謂庶幾復見  
昇平嗟乎此一湖山也曩為畏  
途今為樂土李文叔謂名園之  
興廢係洛陽之盛衰竊疑其言  
大而無當今殆然矣余因憶田

君所為西湖志下文學掌故求  
之業已漫漶不可讀矣湖山在  
目而文獻靡徵可乎於是捐贖  
鍰檄郡丞喻均校其漫漶而屬  
諸劄劄俾後之觀風者采而斟  
酌焉則武林之風勿慮其終靡



也巳

萬曆十二禩歲次甲申季秋望  
日巡按浙江監察御史江陰范  
鳴謙撰

西湖遊覽志叙

錢唐田汝成 語

海上之士往往談蓬萊三鳥之勝恍忽渺  
茫莫可踪跡豈若西湖重青淺碧抱麗城  
闔陸走水浮咸可涉覽況帝都之餘藻飾  
華富即海上之士所稱珠宮貝闕琪樹瓊  
花當不過此宜乎勝甲寰中聲聞夷服也  
然海內名山率皆有志而西湖獨無詎非



闕典曩歲五嶽山人黃勉之嘗謂予曰西湖無志猶西子不寫與霓裳不授譜也子盍圖之時予敬諾而五六年前宦遊無暇迨乎宅憂除服聊寓目焉風景不殊良朋就世言猶在耳負約已長因念古人踰祥授琴將以舒其菀結聞遂作賦用以感於幽冥予不敏竊比山水於笙歌擬借畢以酬諾一物二義爰契我心於是緬集見聞

再證履討輯撰此書叙列山川附以勝蹟揭綱統目為卷者二十有四題曰西湖遊覽志裁剪之遺蕪收並蓄分門彙種為卷者二十有六題曰西湖遊覽志餘容有病予此書多述遊冶之事歌舞之談導慾宣奢非以長化也予則以為志者史家之一體也史不實錄則觀者何稽焉故秦華終南守國者恃為金湯之固武夷鴈蕩棲真



者隱為解化之區。嶽麓鵝湖講學者闢為  
都授之所。西湖三者無一居焉。而欲講遊  
冶之事。歌舞之談。假借雄觀。祇益浮偽耳。  
史家不為也。客又病予此書名繫西湖。而  
旁及城市。覈實不符。予則以為西湖者南  
北兩山之秀液也。南北兩山者西湖之護  
沙也。滋靈釀滌。條貫同之。若非元本山川  
要原別委。則西湖之全體不章。故旁及城

市。正以摹寫西湖也。學使文谷孔公嘗覽  
而嘉之曰。殆麗史也。美刺具陳。欲為鉅傳。  
而以憂去。侍御紀山曹公亦欲鉅傳。而復  
以憂去。至是侍御劔泉鄔公按部兩浙。政  
肅風清。博雅崇文。垂情藝苑。布憲之暇。訪  
及此書。覽而嘉之。謂麗守嚴公曰。是誠麗  
史。可以傳矣。嚴公敬諾。屬貳守丘公綜理  
之。而民部秋軒薛公。水部洪守王公咸權




稅於杭聞茲盛舉亦捐貲馬未浹四旬勒  
 梓已竟竊愧才綿識昧筆削無方符篆虫  
 泠虛上官之雅意楮宜覆瓿貽大方之哂  
 言若肯直其闕畧弼其訛謬裒為別集被  
 我寵光是大願也

嘉靖二十六年冬十一月

大清京城圖










# 宋朝西湖圖





昌化縣















宋朝浙江圖























西  
圖  
卷  
之  
一









南陽府志







西湖遊覽志第一卷

西湖總叙

錢唐田汝成輯撰

西湖故明聖湖也周繞三十里三面環山谿谷縷注  
 下有淵泉百道瀦而為湖漢時金牛見湖中人言明  
 聖之瑞遂稱明聖湖以其介于錢唐也又稱錢唐湖  
 以其輪委于下湖也又稱上湖以其負郭而西也故  
 稱西湖云西湖諸山之脉皆宗天目天目西去府治  
 一百七十里高三千九百丈周廣五百五十里蜿蜒  
 東來凌深拔峭舒岡布麓若翔若舞萃于錢唐而嶺

